

舟州山人續稿卷之一

吳郡王世貞元美著

賦部

賦

靜姬賦

吳王時有靜姬者國之東海下邑某氏女也
家世華膴父母愛之既饒令姿重以脩能讀
書史閑內則及笄而選得入宮掖備六尚之
官階至姪何視中二千石頗亦貴矣而性好
閒靜貞孤自樹不善爲蠱又不善事其長循

性而行見憎後進以讒賜退居永巷中乃爲
此賦以自解其辭曰

惟嫫精之下攝兮鍾靈淑於瑯琊熾心形之窈窕兮
不飾步而阿儼娟然與先後而雜處兮挺瑤幹於藁
葭嘉命忽其賁臨兮遂托乘乎九霄叶迴天瞬之微
矚兮備九嬪之姪何又得尚君之司馭兮乘上介於
陵園出不敢竊君之薄怒兮入不敢覲君之異恩居
多避而少進兮籍禮義而自藩貴何希乎飾璫兮佚
胡羨乎乘軒韋三株之蔽月兮姐姒籍以拉宮衆望
風而魄墜兮肩日脅以先容余獨安此拙薄兮足遭

迴與心應衆旣誅余之蛾眉兮遂飾余以強項乘驪
龍之熟寐兮屏余返乎永巷白日匿光不迴照兮蒙
氣抑邑而午霽晝旣鼓夫裂地之衡飈兮又結橫天
之妖虹紛余憫此同仇兮晨徬徨而筵筭憂後命
叵測兮竊有冀於將然更申申而詈余兮荃豈畏天
日而甘此冥昏擲歡樂于俄頃兮就沈慙之大年余
旣不獲前衆以矯進兮又安敢後衆而虞退荃方極
意於姬姜兮寧暇惜此管蒯追昔讐而自歎兮覺面
目之可示夜夷然其赴枕兮亦何恨於牀第忽鈞天
之自西兮丙夜其猶未竟內忻忻其若借兮吾王庶

幾無疾病將玉體之不任兮宗社岌乎其焉凭彼羣
亦何知兮唯快心於一誑晨盥漱而就巾幘兮倦玉
階之履綦紅女薄伎不足嬰兮聊發篋而陳書詩咸
鳴商之牝鷄兮岐聖方重此關雎棄周鼎而寶康瓠
兮恐外庭之類茲噫噓長門之若歲兮心悅君而不
可得班寄情於白華兮終鬱鬱而難釋夫大椿亦遒
盡兮矧廩秋之飛藿余將夷長信于未央兮恣逍遙
而無極

後靜姬賦

王旣紉靜姬之七年采諫臣言追罰嬖幸之

長以次就理下教大長秋故姬某婉姬而文
以禮自閑孤之不聰擿不中繁永巷省愆爲
日已久其賜湯沐襲冠服仍守故尚加秩一
等使者臨致命靜姬固謝稱疾篤不任行使
者去乃爲賦以自廣其辭曰

歲際闕逢之涪灘兮攝提貞于孟陬蕩明河使滌兩
曜兮妖彗遁乎窮霄念娥嬀之淑清兮王綸渙發于
長秋妾又處此永巷兮寔冥心乎九幽室向隅而迴
照兮水覆地以再收感余髮之昔鬢兮今曲局而不
可沐紅顏包其弗明兮體骨立而膚剥脂澤黯其無

光兮業已奮而中縮裳衣顛倒以思御兮尋沈吟而
就襖燕啁啾其若賀兮鷄喔喔以噉鳴隣女驚而九
起兮慚阿監之不見徵抑攻中之壯衰兮強脩顏而
更行曰天聽忽卑兮帝命不于常舍冥冥之昏墊兮
就昭昭之白日增成賜祓而召見兮輔屬體而若一
蘭膏煜以燭夜兮椒風溫溫乎甲室芬芳溢于北宮
兮餘輝傍暎乎西術飲五齊之桐乳兮啖以秬粳與
餼餽二入代射而侍寢兮輕輦出入于洞房目窮盡
珠之燁燁兮耳飽天樂之鏘鏘冠華鬋之七寶兮足
下絲屨五文章惟吾儕之躩伏兮荃獨際而鵠伸胡

纔聽此蹄涔兮若夜魚之愛鰈感粲者之見導兮寧
獨瞽而心非人歎君澤之難保兮往事耿其在顰甫
調飢之相迫兮糗草甘而自腴胡啖余以八珍兮譎
余而侈其噉得失若循環兮實銷顏之冶鑪羗侘傺
於一朝兮痛前轍之不須臾卧拖紳而冒絮兮不敢
發乎君矇銜回枯之至仁兮雖槁死其奚能忘慚陋
質之么膺兮敢偃蹇而自托乎貞姜惟寢瘵之沾侶
兮忍以薦乎君王感雨露之汪濊兮願均施乎萬卉
彼怨女啐詠於深宮兮誠畏停乎余耳念宗祧之鼎
維兮又重虞乎玉體昔余皈誠於西母兮侍真餐焉

而啓齒重曰生理有涯兮欲無涯元真易去兮不易
歸有情無情兮我媚我勞恬澹寂寞兮千齡爲期

白鸚鵡賦

鸚鵡純綠色以其喙紅黑爲雄雌見鐵園山
叢談而白者紅者五色者最不易得北戶錄
桂海志皆稱白者稍大於它鸚鵡冠有五羽
若護華作輕黃色怒則盡張尾截於鵠外粉
內蜜余從友人徐子與所見之果爾而靈慧
秀俊依人可憐子與以余之喜之也舉籠以
贈而徵一賦焉其視正平不能彷彿視延年

摩詰或差有致耳

倚西域之慧羽稟金方之淑潤頻迦授以仙音孟虧
錫其美胤倘瑤池之托質何青鳥之傳信冠擬護而
三秀尾如鵠而偏俊若乃孕別雄雌喙分丹黑黑則
片葉破霜丹則微苞坼白豈辨口之象人實靈心之
天錫忽乎穿林閃銀梭之透機舒而飲泉儼螺觴之
承瀝於是虞人憇憇以進羅射師屏營而却弩雖靡
逃乎一目幸毋損其片羽強彷徨而就食中掩抑而
思土塊焉獨處悄然私語彼越裳之遙使何異德而
並依此隴首之下儔復質是而文非出入珠愚夷猶

紫微感異夢於司空受真經乎貴妃爾其性含雅馴
度絕驚怒皓魄增輝飛霞奪素璧人出則一市盡傾
玉奴入則六宮爭妬何郎傅粉以清言杞婦被縞而
悲訴偶失身於罟網遂長辭於林樾足何辜而見維
鴈奚妨而遭鍛嗟半菽之示恩均轍涔以苟活顧壺
冰以憐影臨綺颺而捫舌乃有謝豹勸歸倉庚和歌
聞音似友辨字則叱彼栖鵬之濯濯或舞鶴之傿傿
儼長狄之來魯郊非族類其奈何是以絕念戎荒甘
心謝庭藉玉樹以長棲顧瑤草而怡情啜三危之澄
漿飯九光之秀莖願得臣弇州之大鳥相與誦

聖瑞於千齡

紅鸚鵡賦

余賦白鸚鵡之再歲而家仲氏以觀歸目江
右則携一紅鸚鵡云左伯張春宇氏所贈者
色殷翠可愛亡它雜羽雙趾亦如之唯喙黃
耳雖語不能四五而皆明了間作歌音宛轉
流利若中節奏仲氏甚珍之再携之江右則
爲隣院焚尸衣烟觸死矣余感其薄命而天
聊爲詠言昔謝莊賦成素淑掩卷今其存者
雖不十五皆摘其尤而事鮮旁證味同嚼蠟

語云才難不其然乎余之此賦雖不足鼓吹
正平庶爲此鳥傳神耳

粵古西王母命彼青鳥使於祝融祝融賓之便嬖甚
口靡所不通爰祈孟虧遴報聘者百羽適盡而得鸚
鵡錫之緋服母與綠伍其緋伊何則猩猩氏之所潤
色也辭命伊何又猩猩氏之所訓譯也惟是瑤臺介
紹皆曰殷鮮朱鳥以爲上客王母異之栖以珊瑚之
樹而薦以火齊之席鞞鞞堆盤櫻桃的歷琥珀映觴
瓊漿流液仙姬羣醉兩輔差敵驚焉長辭東越流沙
虞人睥目異戈交加惜銜命之未達忽中構乎網羅

感炎荒之故主誓矢死而靡他主人愛之長離斯亞
白玉爲籠黃金橫架飼以丹實酌以清冷豈無寸心
與貌偕頰將結咽而無言虞不鳴之見烹于是誦彌
陀祝天帝稱千秋與萬歲燦齒賈姬破顏褒姒聲何
貴乎裂帛貌胡擇乎射雉若乃展清歌流妙音如中
宮商因風浮沉趺趺裊裊緜緜冶淫感韓娥之停耳
將師延之寫心或翩然其翻袂呈巧舞于君之掌忽
窈窕以穿林又徘徊而侵幌燁燁今落霞剪秋颼湛
湛今芙蓉受朝暉凝睇則朱紱斯皇過隙則景天夕
飛心搖颺而欲遲遲以長依感新恩之瑰渥不

羞呈乎百伎苟賤質其未縻唯一人之斯媚天豈奪
爾胭脂之山忽粉消而紅瘁將妖夢之是踐處深篝
而遭驚悲日南之永隔雖少君其弗可致嗟乎佳人
含軫于薄命才士流惜於短年馬嵬之血漬土江夏
之鬼施烟彼固授汝以般若之經而贈汝以春容之
篇者也尚先汝而璧碎亦奚貴乎瓦全辭曰天命玄
鳥降生商兮帝官白雀胤上卿兮汝才百倍等蜉蝣
兮魂乎歸來毋盡傷兮爲汝傳神永不亡兮彼詞寥
寥胡謝莊兮

紅倒掛鳥賦

丁丑之春余栖弇園有自郡來者言客携紅
鸚鵡求售其直爲六金余殺其五鰲得之至
則非鸚鵡也其體量小十之六首尾紅色如
猩血而兩翅各一二莖如翡翠腹毛隱隱作
鶯黃紫差類鸚鵡而小色亦黃其音婉麗輕
細極馴擾出入人懷袖間竟不能辨爲何鳥
而時時掛一足於架倒懸移晷尺不動則意
其爲倒掛鳥也居一歲死葬之先月亭後土
岡叢條下考蘇子瞻詞有所謂倒掛綠毛么
鳳劉績霏雪錄謂卽李贇皇所賦扇中五色

桐花鳳也成都大岷江磯多植紫桐每至春
暮來集桐花以飲朝露花落散去不知所嚮
又李之儀有詞云朱唇玉羽下蓬萊佳時近
卓機自注云此鳥以十二月來一名收香倒
掛又名探花使性極馴好集美入釵上宴客
終席不去人愛之無所害唐僧隱詩亦云美
人買得偏憐惜移向金釵重幾銖楊用脩復
緣劉績錄以倒掛爲桐花鳳然其至也李之
儀以爲十二月而德裕乃以爲暮春予瞻之
詞牒而之儀之詞則白差小不同復考范成